

Skipulagsfulltrúi uppsveita Árnassýslu  
Pétur Ingi Haraldsson  
Dalbraut 12  
840 Laugarvatn

Umhverfisstofnun	
Áb. _____	
22. des. 2011 10.4.2	
Tilv. _____	



UMHVERFISSTOFNUN

Reykjavík, 21. desember 2011  
Tilvísun: UST20111100110/há

### Lýsing á breytingu aðalskipulags í landi Birtingaholts 5, Hrunamannahreppi. Umsögn

Umhverfisstofnun vísar í erindi dags 1. nóvember síðastliðin þar sem óskað er eftir umsögn stofnunarinnar um lýsingu á breytingu aðalskipulags í landi Birtingaholts 5, Hrunamannahreppi.

#### Skipulagssvæði og fyrirhuguð starfsemi

Í greinargerð segir að breytingin fjalli um að skilgreina um 5 ha svæði af jörð Birtingaholts 5 sem iðnaðarsvæði og aðkoma að svæðinu verði um vegtengingu frá Þjóðvegi nr. 340. Í gildandi aðalskipulagi er jörðin skilgreind sem landbúnaðarsvæði. Ástæða breytingarinnar er að til stendur að hefja vinnslu á lífrænum úrgangi. Safnað verður saman fiskislógi og hann meðhöndlaður þannig að hann nýtist til áburðargjafar á svæðinu. Umhverfisstofnun vísar í umsögn um lýsingu á deiliskipulagi í landi Birtingaholts sem stofnunin veitti þann 17. ágúst sl. þar sem kemur fram að um er að ræða vinnslu á bæði fiskislógi og seyru. Í greinargerð á breytingu á aðalskipulagi kemur ekki fram að vinnsla verði á seyru.

Umhverfisstofnun bendir á að í reglugerð um meðhöndlun úrgangs nr. 737/2003 í kafla 4. sem fjallar um starfsleyfis skyldu segir í 19. gr. eftirfarandi; „Meðhöndlun úrgangs er háð starfsleyfi eins og nánar segir í reglugerð þessari og reglugerð um starfsleyfi fyrir atvinnurekstur sem getur haft í för með sér mengun. Í starfsleyfi skulu vera ákvæði sem miða að því að vernda umhverfi og heilsu manna. Jafnframt skulu ákvæði starfsleyfis taka mið af aðstæðum á viðkomandi stað.

*Til að vernda heilsu fólks skal við staðsetningu söfnunar- og flokkunarmiðstöðva fyrir úrgang taka mið af því að ekki hljóttist af óþægindi fyrir íbúa og taka tillit til nálægðar við íbúðarhús, skóla, matvælaframleiðslu- og sölustaði, heilbrigðisstofnanir og aðra dvalarstaði fólks“.*

Umhverfisstofnun tekur undir það sem kemur fram í greinargerð að breytingin á deiliskipulagi falli undir lög um umhverfismat áætlana nr. 105/2006. Samkvæmt lögum nr. 106/2000 um mat á umhverfisáhrifum í 6. gr. segir að kanna þurfi matskyldu

framkvæmdarinnar þar sem um er að ræða starfsemi sem fellur undir lið 11 j í viðauka 2 :  
*Endurvinnslustöðvar.*

### **Niðurstaða**

Umhverfisstofnun bendir á að misræmis er að gæta í greinargerð um lýsingu á deiliskipulagi og í lýsingu á breytingu á aðalskipulagi. Í greinargerð á lýsingu á deiliskipulagi frá 26. maí sl. segir að fyrirhuguð er vinnsla á fiskislógi og seyru en í lýsingu á breytingu á aðalskipulagi er einungis fjallað um vinnslu á fiskislógi. Að mati Umhverfisstofnunar þyrfti að gera skýra grein fyrir því um hvers konar starfsemi er að ræða.

Að öðru leyti en því sem að framan greinir, gerir Umhverfisstofnun ekki frekari athugasemdir við lýsingu á breytingu aðalskipulags í landi Birtingaholts 5, Hrunamannahreppi.

Virðingarfyllst

*A. Birna Guð.*  
Aðalbjörg Birna Guttormsdóttir  
Deildarstjóri

*Hákon Asgeirsson*  
Hákon Asgeirsson  
Sérfræðingur

Skipulagsstofnun